

Na osnovu člana 189 Zakona o lokalnoj samoupravi ("Sl. list CG", br. 2/18, 34/19, 38/20 i 50/22) i člana 155 Statuta Opštine Bar („Službeni list CG – opštinski propisi“, broj 37/18), Skupština Opštine Bar na sjednici održanoj _____ 2022. godine, donijela je

ODLUKU

o saradnji Opštine Bar (Crna Gora) i Opštine Stari Grad Sarajevo (Bosna i Hercegovina)

Član 1

Ovom odlukom uspostavlja se saradnja između Opštine Bar i Opštine Stari Grad Sarajevo.

Član 2

Opština Bar i Opština Stari Grad Sarajevo ostvaruju saradnju u oblastima od zajedničkog interesa.

Član 3

Predsjednik Opštine Bar i opštinski načelnik zaključice Sporazum o saradnji koji je sastavni dio ove odluke.

Član 4

Ova odluka stupa na snagu osmog dana od dana objavljivanja u „Sl.listu CG-opštinski propisi“.

Broj: _____
Bar, _____ 2022. godine

SKUPŠTINA OPŠTINE BAR

PREDSJEDNIK
Mr Milena Božović

O b r a z l o ž e n j e

Pravni osnov za donošenje ove odluke sadržan je u članu 189 Zakona o lokalnoj samoupravi ("Sl. list CG", br. 2/18, 34/19, 38/20 i 50/22) kojim je, između ostalog, propisano da Opštine u okviru svojih nadležnosti, mogu slobodno sarađivati sa lokalnim zajednicama i asocijacijama drugih zemalja, radi ostvarivanja zajedničkih interesa i udruživati se u regionalne i međunarodne organizacije lokalnih vlasti i članu 155 Statuta Opštine Bar („Službeni list CG – opštinski propisi“, broj 37/18) kojim je propisano da opštine u vršenju poslova iz sopstvene nadležnosti sarađuju sa drugim opštinama u skladu sa zakonom i da odluku o svim oblicima saradnje i udruživanja donosi Skupština opštine.

Opštinsko Vijeće Stari Grad Sarajevo na sjednici održanoj 30.12.2021.godine, na predlog dopredsjedavajućeg Vijeća Damira Faruka Saračevića, usvojilo je Zaključak o pokretanju inicijative o bratimljenju Opštine Stari Grad Sarajevo i Opštine Bar.

Predsjednik Opštine Bar uputio je 16.05.2022.godine Pismo namjere načelniku Opštine Stari Grad Sarajevo, kojim iskazuje volju da se na osnovu upućene inicijative započne procedura potpisivanja sporazuma sa ciljem uspostavljanja dugoročne prijateljske saradnje.

Dopredsjedavajući Vijeća i inicijator predloga za saradnju Damir Faruk Saračević boravio je u službenoj posjeti Opštini Bar 01.03. i 20.05.2022. godine, dok je predsjednik Opštine Bar Dušan Raičević službeno boravio u Sarajevu 06.04.2022, čime se dodatno ojačala namjera za povezivanjem ove dvije lokalne uprave. U međuvremenu, usaglašen je tekst Sporazuma i definisane buduće oblasti saradnje od zajedničkog interesa.

Shodno navedenom, Opštinsko Vijeće Stari Grad Sarajevo, na sjednici održanoj 28.06.2022.godine, usvojilo je Sporazum o saradnji između Opštine Bar i Opštine Stari Grad Sarajevo.

Saradnja između ove dvije lokalne uprave temeljiće se na zajedničkoj obavezi da doprinose razvoju i jačanju lokalnih zajednica i njihovom međusobnom povezivanju, kao i da obogaćuju saradnju u raznim oblastima u pravcu snažnijeg povezivanja građana ove dvije opštine, posebno u oblasti ekonomije -kroz predstavljanje preduzetnika i saradnju malih i srednjih preduzeća, stvaranje ambijenta za zajednička ulaganja, kao i zajedničko apliciranje sa prekograničnim projektima kod EU fondova, turizma – kroz promociju turističkih potencijala, sporta – kroz saradnju i učešće sportista na sportskim manifestacijama, kulture – kroz predstavljanje kulturnog naslijeđa, razmjenu umjetnika i njihovo učešće na kulturnim manifestacijama i obrazovanja – kroz razmjenu učenika i podsticanje partnerstava između škola.

SLUŽBA PREDSJEDNIKA OPŠTINE

3

Polazeći od civilizacijske potrebe ostvarivanja prijateljstva, saradnje i uvažavanja ljudi, naroda, gradova i država, ovlašteni predstavnici Općine Stari Grad Sarajevo, Bosna i Hercegovina i Opština Bar, Crna Gora, svečano potpisuju

SPORAZUM O SARADNJI
zaključen između

1. **Općine Stari Grad Sarajevo** (Bosna i Hercegovina), koju predstavlja općinski načelnik, mr. Ibrahim Hadžibajrić
2. **Opštine Bar**, (Crna Gora), koju predstavlja predsjednik opštine Dušan Raičević

Član 1.

Ovim svečanim dokumentom Općina Stari Grad Sarajevo i Opština Bar, se obavezuju, da na osnovama istinskog međusobnog uvažavanja, trajno uspostavljaju različite oblike saradnje, razmjenu ideja o realizaciji projekata od zajedničkog interesa u oblastima privrede, kulture, obrazovanja, turizma, sporta, zaštite prirodnog i kulturnog naslijeđa.

Član 2.

Potpisnici Sporazuma utvrđuju zajedničku obavezu da doprinose razvoju i jačanju lokalnih zajednica, lokalne samouprave i njihovom međusobnom povezivanju, te da obogaćuju svestrane odnose i sadržaje kao prilog još snažnijem i uspješnijem povezivanju građana i naroda ove dvije općine.

Član 3.

S ciljem efikasnije saradnje potpisnici Sporazuma će organizovati zajedničke sastanke, seminare, susrete, kulturno-sportske manifestacije, kao i uzajamne posjete, najmanje jednom godišnje u Opštini Bar (Crna Gora), odnosno Općini Stari Grad Sarajevo (Bosna i Hercegovina), kada će pripremati i zajednički program aktivnosti.

Član 4.

Ovaj Sporazum sačinjen je u četiri (4) istovjetna primjerka od kojih svaka strana potpisnica Sporazuma zadržava po dva (2) primjerka.

**Općinski Načelnik
Općine Stari Grad Sarajevo, BiH**

mr. Ibrahim Hadžibajrić

**Predsjednik Opštine Bar
Crna Gora**

Dušan Raičević

Sarajevo, 28.06.2022. godine

U skladu sa odredbama člana 68. Statuta Općine Stari Grad Sarajevo ("Službene novine Kantona Sarajevo" broj: 20/13) – Prečišćeni tekst, Općinsko vijeće Stari Grad Sarajevo, na 17. redovnoj sjednici održanoj 28. juna, 2022. godine, prihvatilo je Sporazum o saradnji između Općine Stari Grad Sarajevo (Bosna i Hercegovina) i Opštine Bar (Crna Gora).

**Predsjedavajući
Općinskog vijeća Stari Grad
Sarajevo**

dr.sci. Mirza Batalović, dipl. el. ing.

Broj: 02-45- /22
Sarajevo, 28. juni, 2022. godine



Broj: 02-45-461/22
Datum: 28.06.2022. godine

U skladu sa članom 89. Poslovnika Općinskog vijeća Stari Grad Sarajevo ("Službene novine Kantona Sarajevo", broj 19/21 i 15/22), na 17. redovnoj sjednici Općinskog vijeća Stari Grad Sarajevo, održanoj 28.06.2022. godine, nakon razmatranja tačke Dnevnog reda:

6 Prijedlog Zaključka o prihvatanju Sporazuma o saradnji između Općine Stari Grad Sarajevo i Opštine Bar (Crna Gora).

čiji predlagач je Općinski načelnik, a stručnu obradu je izvršila Služba za odnose s javnošću i informacioni sistem, usvojen je sljedeći

ZAKLJUČAK

1. Usvaja se:

Prijedlog Zaključka o prihvatanju Sporazuma o saradnji između Općine Stari Grad Sarajevo i Opštine Bar (Crna Gora).

2. Konačan tekst akta iz tačke 1. ovoga Zaključka je potrebno, u dovoljnom broju primjeraka, dostaviti Stručnoj službi Općinskog vijeća, a radi potpisa i ovjere.

Dostaviti:

1. Općinskom načelniku
2. Služba za odnose s javnošću i informacioni sistem
3. Evidenciji
4. a/a

